

U ime Allaha, Milostivog, Samilosnog

Ahmadija
Muslimanski Džemat

KRATKI UVOD

Wasim Ahmad

AHMADIJA MUSLIMANSKI DŽEMAT

KRATKI UVOD

Od postanka života na zemlji Allah dž.š je slao Svoje poslanike da ljude upute na ispravan put. Od hazreti Adema a.s. pa sve do Muhammeda s.a.v.s. bilo je mnogo Božijih poslanika. Svaki put kada Bog odredi nekog čovjeka za poslanika, da ljudima prenese Njegovu poruku, oni se podijele na one koji mu vjeruju i one koji mu ne vjeruju. Prije Muhammeda s.a.v.s. svi Božiji poslanici su bili poslani raznim narodima, ali svaki poslanik je bio samo za jedan narod i sa porukom, učenjem i knjigom samo za određeno vrijeme. Ali kratko vrijeme poslije smrti svojih poslanika, ljudi su ta učenja mijenjali prema svojim ovosvjetskim potrebama, zaboravljajući u velikoj mjeri ono što je bilo početno učenje. Tako su, u to vrijeme, različite nacije smatrale da je Bog samo njihov, kao što na primjer smatraju pripadnici hindu religije, Jevreji, Kinezi, Mongoli it.d., i da su oni superiorniji nad ostalim narodima. Na kraju je čovjek stigao do takvog stepena razvoja kada je mogao ponijeti odgovornost savršenog zakona, šerijata. Bog je u svojoj mudrosti onda učinio da se pojavi najsavršeniji čovjek u osobi Časnog Poslanika islama s.a.v.s.; u njemu je bio završen razvoj duhovnog univerzuma i on je centralna tačka za cijeli ljudski rod. Njemu

je Bog objavio savršeni zakon šerijata i savršenu knjigu, Kur'an. Kad je Kur'an bio objavljen, prije 1400 godina, na svijetu su postojale mnoge religije i mnoge vjerske knjige. Ova podjela između religija je iziskivala potrebu dolaska jedne religije, sa ciljem da ih sve ujedini. To je, također, bilo vrijeme kad je ljudski um prošao proces razvoja kroz koji je čovjekovo tijelo već prošlo. I baš kako je fizički razvoj na kraju postao utemeljen, tako su i mentalni i duhovni razvoj bili određeni da dostignu krajnje savršenstvo, koje je bilo sama krajnost ljudskog postojanja. Ovo je zahtijevalo savršenu poruku i usavršeni zakon. Nisu li ranije knjige postale tako manjkave da je sada nova knjiga postala univerzalna neophodnost koja je zadovoljena Kur'anom?

Međutim, ako pogledamo historiju ljudskog roda vidimo da su u svim religijama postojale osobe visoke časti i valjanosti, zbog čistoće svojih života priznatih čak i od onih koji su kasnije, na njihovu tvrdnju o poslanstvu, postali njihovi neprijatelji. Nezamislivo je da oni koji nisu lagali o ljudima, počnu odjednom da lažu o Bogu. Univerzalno znanje o čistoći njihovih života prije proglašavanja njihove tvrdnje je dokaz istinitosti ovih tvrdnji. Kur'an ovo naglašava u ajetu:

فَقَدْ لَبِثْتُ فِيكُمْ عُمُرًا مِّن قَبْلِهِ ۗ
أَفَلَا تَعْقِلُونَ ﴿١٤﴾

“Ja sam među vama živio još prije (40 godina), pa zar vi ne shvaćate?”

(Junus 17) *

Ovo znači da Časni Poslanik hoće da kaže da su njegovi sugrađani imali priliku da ga gledaju izbliza i da su bili svjedoci njegove istinoljubivosti.

* Ahmadija muslimanski džemat vjeruje da je “Bismilla” prvi ajet svakog sureta. U ovom kratkom tekstu ćete naći ajet vezan za ovu naredbu.

Prije pojave Časnog Poslanika islama s.a.v.s., ni jedan poslanik nije svoju poruku uputio cijelom čovječanstvu; prije Kur'ana, ni jedna knjiga nije bila poslana svim ljudima i nije se obraćala cijelom ljudskom rodu, jer Bog ni u jednoj od njih to nije rekao. Časni Poslanik s.a.v.s. je bio taj koji je po Božijem nalogu proglasio:

قُلْ يَا أَيُّهَا النَّاسُ إِنِّي رَسُولُ اللَّهِ
إِلَيْكُمْ جَمِيعًا ﴿١٥٩﴾

“Reci, o ljudi, uistinu sam ja Poslanik od Allaha svima vama.”

(*Araf; 159*)

Allah dž.š. je Muhammedu a.s. objavio Kur'an i rekao da je to savršena Knjiga koja će ostati do Sudnjega dana. Niko ne može mijenjati ni najmanji znak iz te knjige i Allah dž.š. će paziti na to. Mi vjerujemo da je Časni Kur'an posljednja Božija Knjiga.

U Kur'anu stoji da je Islam vjera koja će se uzdignuti iznad svih drugih vjera.

هُوَ الَّذِي أَرْسَلَ رَسُولَهُ بِالْهُدَىٰ وَدِينِ
الْحَقِّ لِيُظْهِرَهُ عَلَى الدِّينِ كُلِّهِ وَلَوْ كَرِهَ
الْمُشْرِكُونَ ﴿١٠﴾

“On je onaj Koji je poslao Poslanika sa uputom na pravi put i vjerom istine, da je uzdignete iznad svih drugih vjera, makar to mrzili idolopoklonici.”

(*Al-Saff; 10*)

Postavlja se pitanje kada će se to dogoditi? Da li za vrijeme Muhammeda s.a.v.s., ili za vrijeme njegovih halifa, ili nekoliko stoljeća kasnije?

Allah dž.š. je predskazao budućnost muslimana, a Muhammed s.a.v.s. je rekao da će najbolje doba za islam

biti u njegovo vrijeme i prva tri stoljeća poslije njegove smrti; nakon tog perioda će početi period mraka. Hazreti Ali r.a. prenosi ovaj hadis Božijeg Poslanika o tom mračnom periodu:

“Doći će vrijeme kad od Islama neće ništa ostati osim njegovog imena, i od Kur’ana neće ostati ništa osim rukopisa; njihove džamije će biti pune klanjača ali će one, što se tiče njihove iskrenosti biti prazne i napuštene. Njihova ulema (vjerski učitelji) će biti najgora stvorenja pod nebeskim svodom. Zla spletkarenja (pomutnje) će počinjati od njih i njima će se vraćati.”

(Miškatul-Mashabi)

Božiji poslanik Muhammed s.a.v.s., rekao je: *“Israelićani su bili podijeljeni u 72 sekte, a moj ummet će se podijeliti u 73 sekte. Sve one će biti u vatri osim jedne.”* Na to su ga ashabi upitali: *“Ko su oni, o Božiji Poslaniče?”* Časni Poslanik s.a.v.s. je odgovorio: *“To će biti ljudi koji će slijediti moj sunnet i put mojih ashaba.”* *(Tirmizi, Kitab ul Imam, poglavlje 18, svezak 5., str. 26)*

U hadisu Ahmada i hadisu Abu Davuda rečeno je: *“... to će biti Džemat.”* *(Miškatul- Masabih)*

Ako pažljivo pročitamo ovaj hadis, razumjet ćemo da se to, što je Muhammed s.a.v.s. prije 14 stoljeća govorio, zaista dešava. Danas na svakom koraku susrećemo muslimane koji ne govore istinu, varaju na razne načine, opijaju se, ne klanjaju, ne klone se grijeha i ne čine dobro koje im je naređeno — oni ne znaju ni šta piše u njihovoj uzvišenoj knjizi Kur’anu, a u nekim muslimanskim zemljama čak masovno ubijaju jedni druge. Možemo da vidimo da su muslimani podijeljeni u mnoge sekte i da zaključimo koliko je velika tragedija njihove razjedinjenosti i nesloge.

Kada je hazreti Muhammed s.a.v.s. rekao muslimanima da nekad, u budućnosti, muslimani neće ostati zajedno, da će se podijeliti u mnoge sekte i najviše njih će biti muslimani samo po imenu, ljudi su se, u to vrijeme, uplašili i mislili da će ummet biti uništen, a da će njihove posljednje generacije biti u najgorem stanju. Hazreti Muhammed s.a.v.s. im je to objasnio i prenio im je radosne vijesti:

“Kako može moj ummet biti uništen kad sam ja na njihovom početku, a Isa, sin Merjemin, na (njihovom) kraju?”

(Masnad Ahmad: Kanzal Aamal vol.7., str. 203)

Allah dž.š. u Kur'anu kaže:

كُنْتُمْ خَيْرَ أُمَّةٍ أُخْرِجَتْ لِلنَّاسِ
تَأْمُرُونَ بِالْمَعْرُوفِ وَتَنْهَوْنَ عَنِ
الْمُنْكَرِ وَتُؤْمِنُونَ بِاللَّهِ

“Vi ste najbolji ummet uzdignut za dobrobit čovječanstva: vi naređujete dobro, a zabranjujete zlo, i u Allaha vjerujete.”

(Al-Imran; 111)

U ovom ajetu Allah dž.š. je rekao muslimanima da su stvoreni da služe cijelom čovječanstvu; ali kako oni mogu služiti drugima ako sami ne žive u slozi i bratstvu? No, Hazreti Muhammed s.a.v.s. je dao muslimanima radosne vijesti da će u tom zadnjem dobu, kad oni budu podijeljeni u tolike sekte, kad nestane jedinstva i kad ne budu imali jednog vođu, Allah za njih poslati takvog vođu koji će ih ujediniti, da žive u bratstvu jedni s drugima, da tako služe čovječanstvu ispunjavajući svoju dužnost koju im je Bog ostavio, kao što to gornji ajet govori. O dolasku tog vođe Muhammed s.a.v.s. govori kao o Reformatoru kojem je dao dva imena: Imam Mehdi i Obećani Mesija.

Božiji poslanik Muhammed s.a.v.s., je rekao:

“Allaha mi, u čijim rukama je moj život, među vama će se pojaviti Mesija, sin Merjemin kao djelilac pravde i pravednosti; on će slomiti krst, i ubiti svinje i ukinuti džiziju.¹”

(Sahih, Buhari)

Također je prenešeno da je Božiji Poslanik Muhammed s.a.v.s. rekao:

“Kakvo će biti vaše stanje kad se sin Merjemin, pojavi među vama, a vaš Imam, od vas.”

(Sahih, Buhari)

Hazreti Muhammed s.a.v.s. iznio je radosne vijesti da će među muslimane doći Mesija i da će “on biti vaš Imam od vas.” Sada se postavlja pitanje da li će doći stari Mesija, znači ista osoba sa svojim fizičkim tijelom, ili neka druga osoba koja ima njegove karakteristike i sličnosti sa njim. Kada čitamo Časni Kur’an, vidimo da jasno stoji da je Isa a.s. umro, kao i svi ostali poslanici. Ako je on umro, kako može opet doći ista osoba sa istim fizičkim tijelom? Još jedna stvar je isto važna: kada čitamo hadise u kojima se spominje drugi dolazak hazreti Isa a.s., nalazimo da hazreti Muhammed s.a.v.s., niti jedan jedini put nije spomenuo da je Isa a.s. još uvijek živ na nebesima, i da će on, znači fizički ista osoba, ponovo doći. U nekoliko prilika kazao je da će Isa a.s. koji će ponovo doći, biti *’vaš Imam, od vas’*, misleći na osobu iz ummeta hazreti Muhammeda s.a.v.s.

Činjenica je da sva proročanstva vezana za budućnost uvijek sadrže neku poruku u sebi. Oni ljudi koji su nadareni mudrošću, koji znaju načine predskazanja, ne slijede samo riječi, već pokušavaju da razumiju i shvate poruku

¹ Džizija - porez koju su dužni plaćati nemuslimani u muslimanskim zemljama. Ovo se danas ne primjenjuje ni u jednoj muslimanskoj zemlji.

i da po tome prepoznaju osobu. S druge strane, ljudi koji bukvalno shvataju riječi i ne pokušavaju da shvate dublju poruku koju one nose, nikada neće doživjeti ispunjenje poruke. Oni će čekati i čekati. Generacija za generacijom će prolaziti, a oni neće uvidjeti da se predskazanje ispunilo. Jedan takav primjer imamo prije dolaska Isa a.s. (Isusa). U knjigama Jevreja stoji da će prije dolaska njihovog Mesije (Isa, Isusa) s neba sići Elijah koji će najaviti njegov dolazak, tako da ga mogu prepoznati po tome. Tako su oni očekivali da ovo predskazanje bude doslovno ispunjeno, da vide silazak ovog poslanika s neba, pa da tako znaju da je Isa a.s. taj poslanik koji im je obećan kao Mesija. Tražili su od Isaa a.s. da im pokaže Elijahah kao svog prethodnika i znak njegove istinitosti. Isa a.s. je odgovorio da se predskazanje o dolasku Elijahah ispunilo u osobi hazret Jahije a.s. (Džona Baptista), koji se pojavio snagom i duhom Elijahah, a ne u silasku samog Elijahah lično. Isa a.s. nije negirao ovo predskazanje, nego je objasnio da, kad se govori o nečijem ponovnom dolasku, to ne znači da će se lično ta osoba vratiti u svom starom fizičkom tijelu, nego da će doći druga osoba koja ima neke bitne sličnosti sa prvom, po kojoj je ova druga osoba bila nazvana. Ta osoba će nastaviti da radi šta je radio njegov prethodnik, njegove poruke će biti poput poruka prethodnika. Oni ljudi koji doslovno shvataju riječi, a ne pokušavaju da shvate poruku, oni će zauvijek čekati, kao što Jevreji još uvijek čekaju na dolazak svog Mesije, čiji je dolazak predskazan u njihovim knjigama. U sadašnje vrijeme neki muslimani čekaju da se Isa a.s. vrati s neba na isti način kako Jevreji, do dan danas, još čekaju na njegov prvi dolazak.

Ahmadija džemat vjeruje da Isa a.s. neće sići s neba jer nije ni otišao na nebo, nego je umro, kao i svi ostali poslanici.

Mnogi muslimani ne očekuju samo hazreti Isaa a.s., već također očekuju hazreti Imama Mehdija. Dakle, oni očekuju

da dođu dvije osobe. Međutim, jedan od hadisa Muhammeda s.a.v.s. kaže jasno da će Mehdi i Mesija biti jedna osoba:

“Mehdi nije niko drugi osim Isa, sin Merjemin.”

(Ibn Madža)

Ovaj hadis jasno govori da neće doći dvije osobe nego jedna koja će imati zadatak da, s jedne strane, muslimane podučava pravom Islamu kakav je bio u doba Muhammeda s.a.v.s., da presuđuje među njima i da ih ponovo ujedini, a s druge strane, da uspješno vodi džihad protiv pogrešnog vjerovanja kršćanstva i da im pokaže stvarnu istinu o Isa a.s. i kršćanskom vjerovanju. Šta onda znači dio hadisa u kojem se kaže: *“on će slomiti krst i ubiti svinje”*? Shvaćajući bukvalno ove riječi, muslimani očekuju osobu koja će fizički slomiti križ i ubiti svinje. Međutim, kao što smo prethodno objasnili, ova predskazanja ne treba shvatati bukvalno. Ono što ona zapravo govore je da će Obećani Mesija dokazima uništiti pogrešna kršćanska vjerovanja, jer su krst i svinja simbol kršćanstva. Jer Bog nikada nije poslao ni jednog poslanika sa takvom zadaćom; oni uvijek dolaze da upute ljude na ispravan put i da ih duhovno očiste i uzdignu.

Sljedbenici Ahmadija muslimanskog džemata vjeruju da se predskazanje Muhammeda s.a.v.s. ispunilo u osobi Hazreti Mirze Ghulam Ahmada koji je od Boga određen za ove dvije zadaće: kao Imam Mehdi i Obećani Mesija. Mnogi muslimani prije Imama Mehdija pisali su da je konačna pobjeda Islama dolazak Imama Mehdija i stvaranje novoga Džemata, jednog tijela vjernika (ummata). Hazreti Mirza Ghulam Ahmad je bio rođen 13. februara 1835. godine u Kadijanu (Indija). Još u svojoj ranoj mladosti je počeo proučavati Kur'an i hadise i bio je predan molitvi. U to vrijeme Islam je već postao stalna meta napada kršćana i hindusa koji su napisali veliki broj knjiga protiv Muhammeda s.a.v.s. i islama. On je za odbranu islama i njegovih učenja počeo da piše članke u raznim novinama, zatim je vodio

mnogobrojne rasprave da odbrani islam od ovih napada. Tih godina je napisao svoju poznatu knjigu 'Braheen-e Ahmadija'. Čitajući je, muslimani su se uvjerali da se među njima pojavio izuzetan genij u službi islama. Stekao je veliko poštovanje u svim muslimanskim krugovima, a bio je cijeneđen i od svojih vjerskih protivnika.

Jedan ugledan islamski vođa je pisao da niko u cijeloj historiji Islama nije napisao tako nešto u odbranu islama. Hazreti Mirza Ghulam Ahmad je po Božijim uputama, 23. marta 1889. godine osnovao Ahmadija muslimanski džemat. Kada je rekao da je poslan od Boga mnogi ljudi su se okrenuli protiv njega. Optužili su ga da je prevarant, da iznosi neistinu, i da će od Allaha biti uništen. Svi su se onda udružili protiv njega u nastojanju da ga unište i zaustave njegovu misiju. Tu nisu bili samo kršćani i hindusi, nego i muslimani i pripadnici svih drugih religija i uvjerenja. Pravili su mu razne smicalice i podvale. Ali, onaj koga Allah odabere za Svoju zadaću uvijek uživa Božiju pomoć i ni jedan mu neprijatelj ne može nauditi. Tako je Imam Mehdi, Obećani Mesija, iz svih ovih kriza izašao kao pobjednik, a njegova misija svakim danom korača naprijed ka novim pobjedama. Imam Mehdi je ovako odgovorio svojim protivnicima:

“Ja dolazim od Boga. Ako me vi odbijete On će poslati ljude koji će me prihvatiti.”

I ljudi su počeli dolaziti i pridruživati se njegovom Džematu.

Hazreti Sauban r.a. prenosi da je Muhammed s.a.v.s. rekao:

“Kada nađete Mehdiya položite Bai'at (zakletvu odanosti) na njegovoj ruci. Morate ići k njemu, makar vas put do njega vodio puzajući na koljenima preko ledenih planina. On je Mehdi i Allahov halifa.”

(Ibn Madža)

U ovom hadisu hazreti Muhammed s.a.v.s. strogim izrazima naglašava važnost Imama Mehdija i nalaže muslimanima da, kad čuju da je Imam Mehdi došao od Boga, to ne uzimaju olahko, jer on nije običan čovjek, on je halifa od Allaha dž.š. Ako neko dođe od Boga, on bude poslan sa određenim razlogom, u vrijeme kada je to prijeko potrebno. Zato ga muslimani moraju prihvatiti i pridružiti mu se, da pomognu njegovu misiju.

Bog je rekao da će onaj ko ne poslušá Njegovog Poslanika biti odgovoran za tu neposlušnost. Činjenica je da ni jedna vlada i vladar ne dozvoljavaju da oni koji zanemaruju njihove naredbe i ne pridržavaju se zakona, prođu bez kazne. Kako je onda moguće da Bog, koji je najveći vladar, i koji vlada drugim vladarima, i koji sve stvari drži u Svojoj moći, dozvoli da neposlušnost i vrijeđanje Njegovih poslanika ostane nekažnjeno? Iz toga se vidi da je za muslimane obaveza da prihvate ovog Imama, koji je došao od Boga, da ih uputi na ispravan put.

Hazreti Mirza Ghulam Ahmad je čitav svoj život posvetio Islamu. Napisao je 85 knjiga o Islamu, koje su pisane na urdu, arapskom i perzijskom jeziku. Nepobitnim dokazima je pokazao istinitost Islama nad svim drugim vjerama. On je pozivao sve vjerske vođe da se suoče s njim, da imon predoči istinitost Islama. Oni koji su se suočili s njim bili su poraženi i mnogi od njih su bili uništeni od Boga. On nije promijenio ni najmanju tačku ili znak u Kur'anu ili hadisima. Došao je samo da ispuni predskazanje Muhammeda s.a.v.s., da ujedini sve muslimane i da ih dovede natrag izvoru Islama, što znači Kur'anu i sunnetu Božijeg Poslanika s.a.v.s.

Hazreti Mirza Ghulam Ahmad, Imam Mehdi i Obećani Mesija je rekao:

“Nekoliko godina poslije, saopšteno mi je putem Božije objave da taj Mesija, koji je od najranijih vremena bio obećan ovom narodu, i taj posljednji Mehdi (reformator) za kojeg je određeno da se pojavi nakon što vjera islam bude iskrivljena i

muslimani udaljeni od prave upute, koji će direktno primiti upute od Boga i koji će morati ponovo uspostaviti duhovnu čistoću, čiji dolazak je bio pretkazan i o kome je radosne vijesti dao Božiji poslanik Muhammed , s.a.v.s. prije 1300 godina, nije niko drugi nego ja.”

(Tazkiratul- Šahadatain)

Na drugom mjestu on kaže:

“Jasnim i čistim Božijim objavama mi je dato na znanje da sam poslan od Njega kao Obećani Mesija i kao Obećani Mehdi i kao sudija u unutrašnjim i vanjskim sporovima.”

(Arba'eem)

Mnogi Božiji znaci potvrđuju istinitost Imama Mehdija, a jedan od najvažnijih znakova koji je Muhammed s.a.v.s. rekao u hadisu je da će se dogoditi: pomračenje Mjeseca i pomračenje Sunca u mjesecu ramazanu. Kad je Imam Mehdi kazao da je on taj Imam, mnogi učeni ljudi su tražili od njega:

“Ako si od Boga, pokaži nam taj znak.”

On sam to nije mogao uraditi, ali se neprekidno molio Allahu dž.š. da On pokaže Svoj znak ljudima kao dokaz da je zaista bio poslan od Njega; i poslije pet godina, 1894. godine u mjesecu ramazanu, Allah dž.š. je pokazao znakove o kojima je govorio Muhammed s.a.v.s., i nekoliko ljudi su po tom prihvatili Imama svog doba. Časni Poslanik s.a.v.s. je rekao:

“Za našeg Mehdijsu su dva znaka, koji se nikada ranije nisu pojavili od postanka zemlje i nebesa, a to su da će se u mjesecu ramazanu dogoditi pomračenje Mjeseca u prvoj noći (od noći u kojima se mjesec pomračuje) i također pomračenje Sunca koje će se dogoditi u srednjem danu (od dana kad

se Sunce pomračuje). I ovi znaci se nikada, od kad je Allah stvorio nebesa i zemlju, još nisu pojavili.”

(Sunan Dar Kutni, svezak 1., str. 65)

Predskazanje ne znači da bi pojava pomračenja sama po sebi bila jedinstvena i da nikada ranije viđena, nego je zato jedinstvena što ovo predskazanje od prije 1300 godina govori da će dva znaka, kao dokaz istinitosti Mehdijskog doba, biti da će se Sunce i Mjesec pomračiti u vrijeme i na način kako je unapred rečeno. Nema sumnje da su se pomračenja događala i ranije, ali nikada kao znak pojave nebeskog reformatora. Niko nikada u historiji čovječanstva nije tvrdio da će se ovaj fenomen dogoditi ovako kako se dogodio, niti o vremenu njegovog događanja. U Časnom Kur'anu (75:7-9) je potvrđeno ono što se odnosi na ovo predskazanje:

يَسْأَلُ آيَاتِ يَوْمِ الْقِيَامَةِ ۚ فَإِذَا بَرِقَ الْبَصْرُ ۙ
وَحَسَفَ الْقَمَرُ ۙ

“... pita, 'kad će (doći) Sudnji dan?' Kad se oči uznemire, i kad se Mjesec pomrači, i Sunce i Mjesec se sastave.”

(Kijame, 7-10)

Pomračenje Mjeseca se dogodilo u četvrtak, trinaeste noći mjeseca ramazana, 1311. godine po Hidžri (ili 21. marta 1894. god.), a pomračenje Sunca u petak 28. dana istog mjeseca ramazana (ili 6. aprila 1894. god.). Pomračenje Mjeseca se obično događa 13, 14 ili 15-tog dana lunarnog mjeseca, a pomračenje Sunca 27, 28 i 29-tog dana, i ono se dogodilo 28. dana, koji je u sredini od predskazanih dana. Prema tome vidimo da se ovo predskazanje u potpunosti ispunilo i da su tvrdnje hazreti Mirze Ghulam Ahmada istinite, jer niko drugi osim Allaha dž.š. nema uticaja na ove nebeske pojave.

Hazreti Mirza Ghulam Ahmad, Obećani Mesija i Mehdi kaže:

“Znaci koji su se ispunili su tako brojni da nema mjesta da ih bilo koji razuman um negira. Svi nebeski i zemaljski znaci o pojavi Obećanog Mesije su se manifestovali u moje vrijeme. Pomračenje Sunca i Mjeseca se desilo prije izvjesnog vremena, a pojavila se i zvijezda (kometa); desili su se zemljotresi, epidemije... Kršćanstvo se silom širi u svijetu i kao što je zapisano, suprotstavljanje meni je bilo veoma snažno. Svi ovi znakovi su se ostvarili.”

(Kitabul- Bariyya, str. 259-260.)

Blagoslovljeni su oni koji su prepoznali Imama ovoga doba i pridružili se stadi obećanog Mesije i Mehdiya, kao što je zapovjedio Časni Božiji Poslanik, s.a.v.s.:

“Onaj koji umre da nije prepoznao Imama svog doba, umro je kao neznalica”

(Musnad Ahmad Bin Hanbal, knj. 4., str. 96)

Bilo je mnogo pojedinaca prije Imama Mehdiya koji su tvrdili da su od Boga bili određeni za Obećanog Mehdiya, ali je Bog uništio svakoga od njih. Njihova imena možemo naći samo u knjigama. Hazreti Mirza Ghulam Ahmad jeste od Allaha dž.š. i dokaz tome je da mu je Bog uvijek pomagao. Allah dž.š. je u Kur'anu rekao o onima koji iznose laž:

فَمَنْ أَظْلَمُ مِمَّنِ افْتَرَىٰ عَلَى اللَّهِ كَذِبًا
أَوْ كَذَّبَ بِآيَاتِهِ، إِنَّهُ لَا يُفْلِحُ
الْمُجْرِمُونَ ﴿١٨﴾

“Tko je veći silnik od onoga koji izmišlja laži o Bogu ili smatra lažnim Njegove ajete? Zaista zlikovci neće naći spasa.”

(Junus; 18)

Ako Hazreti Mirza Ghulam nije poslan od Allaha dž.š. i ako nije govorio istinu, zašto onda on i njegov Džemat svakim danom napreduju i pored tako jake opozicije sa svih strana? Jedino zato to je Allah uz njega i pruža mu Svoju pomoć i zaštitu.

Na drugom mjestu u Kur'anu Allah dž.š. spominje riječi jednog vjernika u vrijeme hazreti Musa a.s. koji se svom narodu, kad su se bili digli protiv Musaa optužujući ga da iznosi neistinu da je poslan od Boga, obratio riječima:

وَإِنْ يَكْفُرْ بِكَ كَافِرًا فَاعْلَيْهِمْ كَذِبُهُ ۗ ﴿٢٩﴾

“Ako bude lažac, njemu njegova laž.”

(*Al-Mu'min*; 29)

Ovo znači da, ako je neko lagao da je poslan od Boga nije na nama da pokušavamo uništiti takvu osobu ili njeno nastojanje, jer Allah ima snagu da je uništi i On neće dopustiti da ta osoba uspije i proširi svoju laž. Jer ako takva osoba ima uspjeh i napredak, kako bi onda ljudi znali razliku između onog ko laže i onog ko je istinit. Zato je Bog napravio ovu razliku da lažov nikada ne uspije.

Na drugom mjestu Allah dž.š. je čak rekao za Muhammeda s.a.v.s. da bi ga uništio ako bi govorio laži. Pa kako bi onda neka druga osoba mogla uspjeti sa svojim lažima. Allah dž.š. kaže:

وَلَوْ تَقَوَّلَ عَلَيْنَا بَعْضَ الْأَقَاوِيلِ ﴿٣٥﴾

لَاخَذْنَا مِنْهُ بِالْيَمِينِ ﴿٣٦﴾

ثُمَّ لَقَطَعْنَا مِنْهُ الْوَتِينَ ۗ ﴿٣٧﴾

فَمَا مِنْكُمْ مِنْ أَحَدٍ عَنْهُ حَاجِزِينَ ﴿٣٨﴾

“A da je on (Muhammed) o Nama iznosio laži, Mi bismo ga uhvatili za desnu ruku i presjekli mu žilu kucavicu, i niko od vas ga od toga ne bi mogao odbraniti.”

(*Al-Hakka*; 45-48)

Allah dž.š. je također obećao da će pomoći svim Svojim poslanicima. Uvijek su ljudi pokušavali spriječiti Božije Poslanike da šire svoju poruku, ali u tome nisu uspjeli jer Njegovi poslanici su pomognuti od Boga, a ne od neke druge sile.

Ahmadija muslimanski džemat je jedini džemat koji od svoga osnivanja postiže napredak u svakom pogledu. Hazreti Mirza Ghulam Ahmad je bio veoma usamljen, bez pristalica kada je objavio:

“Allah dž.š. me je odredio Imamom ovog doba”

Danas oko 200 miliona ljudi vjeruje da je hazreti Mirza Ghulam Ahmad taj Imam Mehdi i Obećani Mesija. Allah dž.š. je rekao u Časnom Kur'anu da će uništiti lažove, pa ako Ahmadija muslimanski džemat nije od Allaha dž.š. da li je onda Allah dž.š. (neuzubillah) zaboravio Svoje obećanje? Zašto bi onda Allah dž.š. pomagao pogrešnom Džematu? Naši protivnici kažu da su “Britanci” osnovali ovaj Džemat. Da li to znači da su Britanci mnogo moćniji od Boga; ili se Allah dž.š., neuzubillah, plaši Britanaca? On je uništio sve one koje su iznosili lažne tvrdnje, i sada izgleda kao da nije mogao ništa protiv Hazreti Mirze Ghulam Ahmada, kojeg su Britanci proglasili Mehdijem. Da li i jedan razuman čovjek može povjerovati u takvu besmislicu? Potpuno je lažna tvrdnja da su Britanci stvorili Ahmadija muslimanski džemat. Ovaj Džemat je stvorio Allah dž.š. i samo ga On podržava, a ne neka druga sila.

Čitajući Časni Kur'an, vidimo da se u historiji vjere od Adema a.s. do Muhammeda s.a.v.s., uvijek kada neko dođe od Allah dž.š., ljudi okreću protiv njega. Ali i pored toga on, uz Božiju pomoć, uspije u svojoj misiji.

Hazreti Mirza Ghulam Ahmad je umro 26. maja 1908. god. Prije toga je, u decembru 1905. god. napisao jednu malu knjigu pod nazivom “Oporuka”, u kojoj je rekao da mu je

Allah dž.š. navijestio da će ga brzo uzeti Sebi. Dalje je napisao da će Džemat, nakon njegove smrti, biti pod halifatom, kao što je bilo u vrijeme Muhammeda s.a.v.s. i da će halife predvoditi ovu Zajednicu do Sudnjega dana.

Proučavanje Časnoga Kur'ana i historije pokazuje da svrha pojavljivanja poslanika nije samo neki puki dolazak, prenošenje poruke ili povratak, već je pojavljivanje svakog poslanika Božija volja da donese izvjesne promjene i preokret u svijetu za čije ispunjene su potrebni materijalni i drugi uslovi, što podrazumijeva trajne napore i dugotrajno organizovanje. Pošto je život svakog čovjeka ograničen, Allah dž.š. traži od poslanika da samo podstaknu zasijavanje sjemena, da bi to sjeme kasnije moglo izrasti u zreo plod. Allah dž.š. poslanikovu misiju dovodi do savršenstva tako što poslije njegove smrti odredi prikladnu osobu kao njegovog zamjenika, i tako redom određuje jednog zamjenika poslije drugog. U islamskoj terminologiji ovi zamjenici poslanika se nazivaju *halife*.

Sama riječ 'halifa' znači '*onaj koji dolazi poslije*' ili '*onaj koji nasljeđuje*' predhodnika. Od starih vremena, svaki poslanik je imao halifu kao svog nasljednika; npr. poslanika Musa a.s. je naslijedio Jošua kao njegov halifa, Isaa a.s. je naslijedio Petar, a Časnog Božijeg poslanika Muhammeda s.a.v.s., naslijedio je hazreti Ebu Bekir, kao njegov halifa; čak što više, poslije Časnog Poslanika s.a.v.s., hilafet je bio mnogo veća i jača institucija koja je uspostavljena poslije smrti bilo kojeg drugog poslanika. Zbog potrebe upotpunjavanja i završavanja poslanikovog rada, postoji i drugi razlog isticanja važnosti institucije hilafeta, a to je da poslanikovi sljedbenici možda neće imati snage da održe tu novonastalu poslanikovu zajednicu, i da će poslanikova smrt za njih biti šok, ne manji od najačeg zemljotresa. Prema tome, bilo je neminovno da poslije obećanog Mesije, po tradiciji, bude određen njegov nasljednik kao halifa.

Obećani Mesija kaže:

“Božija riječ je pokazala... da će On dati napredak ovom Pokretu, nešto na mojim rukama a nešto poslije mene. Ovo je Božiji sunnet, i odkad je stvorio čovjeka na zemlji On je pokazivao ovaj sunnet: da pomaže Svojim poslanicima i Vjerovjesnicima i poklanja im pobjedu. Njihov zadatak je samo da posiju sjeme istine. Oni žele da šire istinu u svijetu, ali potpuno ispunjene tog zadatka nije na njima; s druge strane, Bog određuje njihovu smrt u vrijeme kada izgleda kao da predstoji neuspjeh i propast, a onda pokaže Svoju moć na drugi način. Ukratko, Njegova moć se manifestuje dva puta: jednom lično rukom poslanika On pokazuje moć Svoje ruke; i drugo, poslije smrti poslanika, kad njegovi sljedbenici budu podvrgnuti raznim teškoćama. U ovo teško vrijeme dušmani postaju silniji i smatraju da je sad kraj ovom poslu i vjeruju da će ovaj džemat biti uništen. On tada pokazuje Svoju moć i spašava zajednicu koja pada. Zato, onaj ko bude do kraja strpljen vidi čudo Svemogućeg Boga. Ovo je slično onom što se dogodilo u vrijeme hazreti Ebu Bekira r.a.. Smrt Časnog Poslanika s.a.v.s. bila je smatrana preranom i njegovi ashabi su bili skrхани bolom. Allah je tada uzdigao hazret Ebu Bekira r.a. i po drugi put pokazao Svoju moć.

Ovo se dogodilo i u vrijeme Musa a.s., kao i u doba Isa a.s. ... Ovo je, dragi moji, stari Božiji postupak (sunnet) da pokaže dvije manifestacije Svoje moći. Nemoguće je da On sada promijeni Svoj stari sunnet. I ova druga manifestacija Njegove moći će ostati s vama zauvijek. Ja sam manifestacija Božije moći i ja sam utjelovljenje Njegove moći, i poslije mene će biti drugi koji će biti manifestacija drugog ili nekog narednog pokazivanja Njegove moći.”

(Oporuka — Al-Wasyyat)

Prema ovim objavama Obećanog Mesije, čitava Ahmadija zajednica, ožalošćena zbog gubitka svog Osnivača i suočena sa svim oblicima napada od strane svojih protivnika, bila je svjedok ispunjenja prve i druge, trajne manifestacije Božije moći, kad je 27. maja 1908. god. poslije njegove smrti za njegovog zamjenika bio izabran hazret Maulvi Nurrudin kao Halifu-tul-Masih I, prvi nasljednik Obećanog Mesije.

Zbog toga se 27. maj pamti, i biti će uvijek zapamćen kao istorijski dan u analima Ahmadija pokreta u islamu. Kao što je obećano da će manifestacija druge Božije moći zauvijek ostati uz nas, predani i odani sljedbenici obećanog Mesije a.s. su uprkos raznim lažima i patnji, ostali dosljedni ovom sistemu hilafeta koji je uspostavio obećani Mesija. Poslije smrti halifatul Mesiha I, 13. marta 1914. godine, za Halifu-tul-Masih-a II izabran je hazreti Mirza Bashirudin Mahmud Ahmad, drugi nasljednik obećanog Mesije.

Hvala Allahu dž.š. što je ovoj Božijoj zajednici omogućio da vidi i treću, obećanu manifestaciju Božije moći, kada je 8. novembra 1965. god., poslije smrti Hazreti Mirze Bashirudin Mahmud Ahmada, za njegovog zamjenika bio izabran hazreti Mirza Nasir Ahmad kao Khalifa-tul Masih III. On je na tom uglednom mjestu proveo 17 godina i umro je 8. juna 1982. god. kada je zahvaljujući drugoj, trajnoj manifestaciji Božije moći 10. juna 1982. god. izabran Hazreti Mirza Tahir Ahmad za halifatul Mesiha IV. Pod njegovim vodstvom zajednica je pokazala svježije znakove čvrstoće i snage. On je umro 19. aprila 2003. godine. Za halifatul Mesiha V je tada izabran hazret Mirza Masroor Ahmad.

Danas, Ahmadija zajednica služi islamu u više od 170 zemalja svijeta. Hazreti Mirza Masroor Ahmad je duhovni, vjerski i administrativni vođa pokreta. Ahmadija muslimani čitavog svijeta su ujedinjeni kao jedno tijelo i imaju samo jednoga vođu i jednog Imama. Ovaj Džemat je do sada preveo i objavio Kur'an na 57 jezika, a izabrane izreke Časnog

Poslanika s.a.v.s. na više od 100 jezika. Izgrađeno je više od 15.000 džamija širom svijeta. U Africi je Džemat otvorio 373 škole, pet koledža, 36 bolnica i svake godine ovi brojevi rastu. U ove ustanove mogu doći svi ljudi da se liječe i školuju. 1989. godine je proslavljena stogodišnjaca postojanja ovog Džemata, a 2008. godine će biti proslava 100 godina od osnivanja halifata.

Allah dž.š. je 1992. godine Ahmadija muslimanskm džematu podario televiziju (*Muslim Television Ahmadiyya-MTA*), kojom se poruka islama prenosi 24 sata dnevno širom svijeta. MTA prenosi programe na svim značajnim jezicima: engleskom, arapskom, urdu, bangla, indonežanskom, nje-mačkom, francuskom, turskom, bosanskom itd. Iz ovoga je jasno da je Allah dž.š. ispunio svoje obećanje koje je dao hazreti Imamu Mehdiju a.s. sto godina ranije:

*”Ja ću pronijeti tvoju poruku u sve krajeve svijeta.
Ja ću učiniti da budeš poznat po poštovanju i časti,
u svim zemljama svijeta. Tvoje ime će biti cijenjeno,
a tvoja ljubav usađena u srca ljudi.”*

Kada je primio ovu objavu, on nije posjedovao, niti je imao pristupa čak ni osnovnim sredstvima kojima bi mogao prenijeti poruku u indijskoj provinciji u kojoj se nalazi Kadijan. Danas se njegova poruka prenosi širom svijeta, a sjedišta njegovog Džemata i njegovi sljedbenici se nalaze u mnogim zemljama uzduž i poprijeko globusa. Ovaj Džemat prihvataju muslimani, kršćani, budisti, perzijci, siki, hindusi, jevreji, iz Evrope, Afrike, Amerike, Azije i Australije. Ako ono što obećani Mesija propovijeda nije Božija objava, zašto se onda ispunjava? Zašto? Ako ovaj Džemat nema božiju pomoć, šta je to onda drugo?

Upravo ste pročitali kratko predstavljanje Ahmadija muslimanskog džemata u kojem smo istinitost Džemata, i činjenicu da je ovaj Džemat od Boga, dokazali činjenicama iz Kur'ana i hadisa. Budućnost čovječanstva je u ovom Džematu. Danas smo mi možda još uvijek mali, ali sigurno će doći vrijeme kada će većina stati pod zastavu Ahmadija muslimanskog džemata, pod zastavu Islama i Muhammeda s.a.v.s.. I vas pozivamo da saslušate Božiji poziv i prihvatite ovu poruku.

BUDUĆNOST AHMADIJA MUSLIMANSKOG DŽEMATA

Odredba Allaha dž.š. je bila da osnuje Zajednicu vjernika, da očituju Njegovu veličinu i moć. On će učiniti da se ova zajednica širi i napreduje, da učvrsti Božiju ljubav, pravednost, čistoću, poštovanje, mir i dobru volju među ljudima. To će biti grupa ljudi predanih Bogu. On će ih osnažiti sa Svojim ličnim duhom, blagosloviti ih i očistiti. On će povećavati njihov broj kao što je i obećao. Hiljade vjernih će se pridružiti Njegovim sljedbenicima. On će se brinuti o njima i učinit će da se ta zajednica povećava, tako da će broj njenih sljedbenika i napredak zadiviti čitav svijet. Zajednica će biti svjetionik tako visok da će osvjetliti sve četiri strane svijeta, a članovi ovog Džemata će biti uzor islamske blagodati. Moji iskreni sljedbenici će se isticati u odnosu na druge ljude. Oni će se uvijek uzdizati iznad drugih do Sudnjeg dana. Bit će Božiji izabranici u svakom pogledu. Tako je Svemogući odredio, a On čini ono što On hoće.

Tekst je napisao

Hazreti Mirza Ghulam Ahmad iz Kadijana,

Obećani Mesija i Imam Mehdi

4. marta 1889. godine u Ludihani (Indija)

Ako želite više informacija o Ahmadija muslimanskom džematu, preporučujemo Vam slijedeću literaturu na bosanskom jeziku:

Filozofija učenja Islama • Istina o Ahmadijama i njihovom svetom osnivaču • Knjiga o namazu • Preporod vjere • Ljubaznost Časnog Poslanika prema djeci • Ahmad i Sara • Ahmad i Sara idu u džamiju • Molba za našu braću i sestre • Zašto sam postao Ahmadi • Poruka mira • Ahmadija muslimanski džemat – kratki uvod • Odgovor na primjedbe protiv Ahmadija i njihovog osnivača • Naše učenje • Prirodna smrt hazreti Isa, a.s. • Pobjeda Islama • Odabrane izreke iz Časnog Kur'ana • Odabrane izreke Časnog Poslanika Islama • Odabrane izreke Časnog Mesije • Hazreti Ahmad – Obećani Mesija • Halifat u Ahmadijatu • Oporuka • Šta je Ahmadija muslimanski džemat ponudio čovječanstvu? • Stvarna istina o Ahmadija muslimanskom džematu • Letke na različite teme: Isa a.s.; Islam; Ahmadija džemat; Obećani Mesija i t.d.

Bilo kakve informacije o Islamu ili literaturu na raznim jezicima možete dobiti na slijedećim adresama:

Bosna i Hercegovina:

Mesdžid Baitul-Islam
Tuzlanska 1b
71000 Sarajevo
Tel.: 00-387-33-612612

Belgija:

Brusselstraat 3
1700 Sint-Ulriks-Kapelle
(Dilbeek), Brussels
Tel.: 00-32-2-4666856

Holandija:

De Moskee
Oostduinlaan 79
2596 JJ, Den Haag
Tel.: 00-31-703-242881

Kanada:

Baitul-Islam
10610 Jane Street
Maple, Ontario
L6A 3A 2

Švedska:

Nasir Moske
Tolvskillings Gatan 1
414-82 Gotenborge
Tel.: 00-46-31-414044

Švicarska:

Mahmud Moschee
Forchstrasse 323e
8003 Zurich
Tel.: 00-411-3815570

Njemačka:

Genfer Strasse 11
60437 Frankfurt am Main
Tel.: 00-49-69-50688600
Fax: 00-49-69-50688666

Norveška:

Ahmadiyya Muslim Mission
Frogner VN 53
0266 Oslo 2
Tel.: 00-472-244718

Velika Britanija:

The London Mosque
16 Gressenhall Road
London SW 18 5QL